



IZVJEŠTAJ O PROJEKTU KUPOVINE DŽEMATSKIH PROSTORIJA

Poštovani članovi Skupštine,

Kao što Vam je svima poznato, na prošloj skupštini džemata Tuttlingen, jednoglasno je usvojen prijedlog o realizaciji projekta kupovine džematskih prostorija. Od tog vremena do danas protekla je godina dana, i ovom prilikom želimo Vas i pismeno upoznati o dosadašnjem radu na tom projektu.

Dosadašnji učinak u prikupljanju sredstava i nije zadovoljavajući, jer od 182 uplate (uključujući 3 sergije) prikupljeno je oko 85.000,-€ (osamdesetipet hiljada EURA) što je otprilike trećina od iznosa koji je potreban za kupovinu objekta i pratećih prostorija (234.000,-€).

Bitno je naglasiti i to da od spomenutih 182 uplate, 93 uplate su došle od naših redovnih članova. Trenutno, džemat Tuttlingen ima 170 redovnih članova (uključujući 3 učenika, tako da procentualno učešće naših članova je **54 %**, što znači da se **46 %** redovnih članova uopće nije uključilo u akciju.

Još jednom ponavljamo da je za uplate **do 1.000,-€** Odbor za kupovinu predvidio dodjelu Zahvalnica, za uplate **od 1.000 do 3.000,-€** predviđene su Vakufname, a za uplate **od 3.000,-€ ili više**, planirana je Vakufnama i trajno uklesana imena na Vakufskoj ploči koja će biti postavljena u dvorištu džamije, i ne samo tu, već i u sjećanjima svih nas, kako ne bismo zaboravili one koji su najzaslužniji za postojanje i uspješan rad našega Džemata.

Informacija o kreditiranju:

Sa početnim kapitalom u iznosu od 80.000,-€, u pregovoru s Bankom, dobili smo kreditnu ponudu na 5 (pet) godina sa kamatnom stopom u iznosu od 3,40 %, i na 10 (deset) godina kamatna stopa od 3,91 %.

Pri ovom stanju početnog kapitala, a na osnovu bankovnog proračuna, imamo veliki rizik, jer nam nedostaje 2.800,-€ za naše poslovanje na godišnjem nivou.

Odluka Džematskog odbora nakon ovakve ponude bila je da se prije svega pokuša početni kapital izdići na maximum (cca. min. 100.000,-€), gdje bi se izgubio spomenuti iznos od 2.800,-€, a mi bismo imali bolju pogodnost za kreditiranje.

Uzimajući u obzir gore navedene činjenice, ovom prilikom apelujemo svima onima koji do sada **nisu uzeli učešće** u ovom hairli projektu, a isto tako i oni koji su već **dali svoj doprinos**, a žele i imaju mogućnost **dati više**, da to urade **čim prije**, odnosno prije uzimanja kredita.

Uz izraze poštovanja i zahvalnosti za Vašu dosadašnju saradnju sa Džematom, molimo Allaha, dž.š., da svaki trun Vašeg dobra u korist Zajednice obilato nagradi iz Svojih riznica.



ODBOR ZA KUPOVINU